

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

KULTURA ETA KIROL SAILA

77/2020 Foru Agindua, maiatzaren 18koa. Onespena ematea esku hartzeari bermatu dadin 2019/20 eta 2020/2021 denboraldietako Arabako kirol- eta federazioen lehiaketa ofizialak antolatzeko eginkizun publikoa

Joan den martxoaren 14an, Ministroen Kontseiluak alarma-egoera deklaratzeko erabaki zuen, martxoaren 14ko 463/2020 Errege Dekretuaren arabera, COVID-19ren pandemiak eragindako osasun-krisia zela eta.

Aipatutako osasun-krisia dela-eta dugun salbuespen-egoeraren ondorioz, 2020ko martxoaren 13an sail honek Arabako kirol-federazioen kirol-jarduera guztiak etetea erabaki zuen.

Horrek guztiak ziurgabetasun eta segurtasun falta handia sortzen die bai lurralde-federazioei, bai kirol-lehiaketa horietan parte hartzen duten pertsoneri; izan ere, une honetan ez dakigu osasun-agintariak 2019/20 denboraldia amaitu baino lehen eta, hala badagokio, zer baldintzatan utziko dieten lehiaketa ofizial horiei berrekiten. Ez dakigu, ezta ere, zer gertatuko den azkenean lehiaketak amaitu behar badira, bereziki zer ondorio izango dituen igoera, jaitsiera, titulu ofizial eta abarretan.

Euskadiko Kirol Federazioei buruzko urtarrilaren 31ko 16/2006 Dekretuaren 14.2 artikulua aitortzen du, Euskadiko Kirolari buruzko ekainaren 11ko 14/1998 Legean aurreikusitakoaren arabera, lurralde federazioek honako administrazio-funtzio hauek betetzen dituztela, besteak beste, beren lehiaketa ofizialak kalifikatzea, arautzea, antolatzea eta baimentzea, eta lehen aipatutako gai guztiak lehiaketa ofizial baten antolaketaren muinean sartzen direla. Halaber, 16/2006 Dekretuaren 18. artikulua Foru Aldundiko organo eskudunari ahalmena ematen dio Arabako lurralde-federazioek betetzen dituzten funtzio publikoak behar bezala betetzen direla bermatzeko beharrezkoak diren salbuespenezko neurri guztiak hartzeko.

Kontuan hartuta ezinbestekoa dela arabar lurralde-federazioek lehiaketa ofizialak antolatzeko beren administrazio-funtzio publikoak behar bezala bete ahal izatea bermatzea, beharrezkoa da, salbuespen gisa, zuzendaritza-batzordeak gaitzea, COVID-19ren ondorioz, 2019/20 denboraldiko lehiaketak amaitzean sor daitezkeen antolaketa-gorabehera guztiak arintasunez konpon ditzaten, eta, lotura dela-eta, 2020/21 denboraldiko antolaketarekin.

Materialki ezinezkoa da arabar federazio gehienentzat gai horiek batzar nagusiek onartutako lehiaketa-erregelamendu eta egutegiaren arabera ebatzea, xedapen horiek lehiaketen garapen eta amaiera normaleko egoera batean oinarrituta baitaude. Arauzko edozein aldaketak federazio-izapide guztiak eskatuko lituzke, zuzendaritza-batzordeen eta batzar orokorren esku-hartzearekin, eta, ondoren, administrazio-izapideak, Aldundi honen onespenearekin eta ondoren Euskal Autonomia Erkidegoko Kirol Erakundearen Erregistroan inskribatzearekin. Izapide horiek galarazten diete arabar lurralde-federazioei behar bezalako arintasunez eta segurtasun juridikoz ebatzea denboraldi honetako eta hurrengo denboraldiko antolamendu-arazo guztiak; hurrengo denboraldia printzipioz, aste batzuk barru hasi beharko litzateke.

Foru Agindu honetan jasotzen diren neurriak salbuespenezkoak dira, eta, beraz, behinbehinekotasun-izaera dute; beraz, aipatutako aurreko salbuespen-egoerari erantzuteko behar-beharrezkoa den epean baino ez dituzte ondorioak izango.

Era berean, Foru Agindu honetan jasotzen diren neurriek proportzionaltasuna errespetatzen dute, kirol-federazio bakoitzaren autonomian hain inbaditzaileak ez diren neurriak hartzen saiatu

baitira, COVID-19tik eratorritako lehiaketa-egoerak ebazteko. Horrela, kirol-federazio bakoitzak erabakiko ditu irizpideak eta bertan behera utzitako lehiaketek jarraitu behar duten ala ez, edo, hala badagokio, noiz eta nola. Bestalde, lehiaketa horiek amaitu ezin badira, sailkapen-ordena zein izango den ere erabaki beharko dute, pertsona fisiko edo juridiko irabazleak, igoerak eta jaitzierak, etab. zehazteko. Gogoan izan behar da adierazitakoak, gainera, hurrengo kirol-denboraldiari eragiten diola, kategorien, taldeen, parte-hartzaileen edo egutegiaren osaketari dagokionez.

Ebazpen hau administrazio-kontu-hartze honen xede diren arabar lurralde-federazio guztiei banan-banan jakinaraziko zaien arren, egokia dirudi, halaber, ALHAOn argitaratzeko agintzea, jende guztiak jakin dezan eta ondorioak izan ditzan.

Kirol Zerbitzuaren buruak emandako txostena aztertu da.

Horren ondorioz, dagozkidan eskumenez baliatuz, hauxe

XEDATZEN DUT

Lehenengoa. Onespina ematea esku hartzeari bermatu dadin COVID-19aren osasun krisiak eragindako 2019/20 eta 2020/2021 denboraldietako Arabako kirol-etako lurralde federazioen lehiaketa ofizialak antolatzeke eginkizun publikoa.

Bigarrena. Ahalmendu, administrazioaren kontu-hartze honen arabera, Arabako kirol-federazioetako zuzendaritza-batzordeei erakunde horiek antolatutako lehiaketei dagokienez COVID-19aren osasun-krisiaren ondorioz sor daitezkeen alderdi guztiak ezagutzeko eta ebazteko, eta, bereziki, honako hauek:

- a) Amaitutzat jo ez diren lehiaketak berriro hasi behar diren ala ez zehaztea.
- b) Lehiaketei berriro ekiten bazaie, noiz eta zer formatutan egin behar diren zehaztuko da.
- c) Berriro hasi ezean, edo berriro hasi arren eta amaitu ezin bada, sailkapen ordena zehaztea, eta, bereziki, talde edo kirolari irabazleak edo bestelako kirol-eskubideak dituztenak zehaztea.
- d) Lehiaketa berrekiten ez bada, edo berriro ekin arren amaiera normala lortu ezin bada, hurrengo denboraldirako maila-igoeren eta/edo jaitzieren araubidea zehaztea, beste kirol-federazio batzuek beren lehiaketen esparruan duten eskumena errespetatuz.
- e) Lehiaketetan parte hartzen duten plantilletako kideak COVID-19arekin kutsatzeagatik edo antzeko egoerengatik lehiaketak eteteko arrazoiak eta prozedurak ebazteko jarraitu beharreko irizpideak zehaztea, bai eta lehiaketen data berriak ezartzea eta/edo ez-agertzeen ondorioak zehazteko irizpideak finkatzea ere.
- f) Beharrezkoa balitz, lehiaketa-eredu edo egitura berriak onartzea, bai 2019/20 denboraldia amaitzeko, bai 2020/21 denboraldia hasteko, aurreko ataletan deskribatutako antolamendu-alaketan ondorioz.
- g) Aurreko ataletan adierazitako gaiekin zerikusia duen beste edozein kontu zehaztea, eta, oro har, COVID-19aren krisiaren ondorioz sor daitezkeen gorabeheren edo supostuen aurrean lehiaketei eragiten dien beste edozein alderdi.

Kasu horietan, zuzendaritza-batzordeen ebazpenak presaz hartuko dira, eta ez da nahitaezkoa izango balizko erabakien eraginpean egon daitezkeen pertsonen edo erakundeen entzunaldia ematea. Ebazpen horiek arrazoituak eta behar bezala argitaratuak izango dira, federazioaren webgune ofizialean denek jakin dezaten eta ebazpen horiek zuzenean eragiten dieten erakundeei jakinaraziko zaie. Eta, horretarako deitzen den lehenengo batzar orokorrean ere jakinaraziko dira.

Artikulu honetan xedatutakoa aplikatzearekin zerikusia duten zuzendaritza batzordeen ebazpenek federazio-bidea agortuko dute. Lehiaketa ofizialak antolatzeke ebazpen horien aurka, dagokion errekurtsoa aurkeztu ahal izango da Sail honetan, hilabeteko epean. Sail honen ebazpenak administrazio-bidea agortuko du, Euskadiko Kirol Federazioei buruzko urtarrilaren 31ko 16/2006 Dekretuaren 14.4 artikuluan ezarritakoarekin bat etorritik.

Hirugarrena. Arabako kirol-federazioetako zuzendaritza-batzordeei eskumen osoa ematea ebazpen honen aplikazio-eremuko lehiaketa ofizialei dagokienez sortzen diren alderdi guztiak ebazteko, eta ez zaizkie erabat aplikatuko abian den denboraldiko lehiaketa erregelamenduak, oinarriak edo egutegiak.

Laugarrena. Baliozkotu kirol-federazioetako zuzendaritza-batzordeek ebazpen hau jakinarazi aurretik emandako erabaki guztiak, baldin eta ebazpen honetan xedatutakora egokitzen badira.

Bosgarrena. Ebazpen honetan aurreikusitako kontu-hartzeko salbuespenezko neurriak indarrean jarraitzea 2019/20 denboraldiko kirol-lehiaketak amaitzeko eta 2020/21 denboraldia antolatzeke ezinbesteko epean, eta, gehienez ere, 2020ko abuztuaren 1eko 00:00etan amaituko dira, pandemiaren bilakaeraren eta aplikatu beharreko osasun neurrien arabera luzapenik adosten ez bada.

Seigarrena. Foru agindu hau administrazioaren esku hartze honen xede diren Arabako lurralde federazio guztiei helaraztea eta komunikabideei jakinaraztea.

Zazpigarrena. Ebazpen hau ALHAOn argitaratzea.

Zortzigarrena. Ebazpen honek amaiera ematen dio administrazio bideari, eta, beraren aurka, aukerako berraztertzeke errekurtsua aurkeztu ahal izango zaio ebazpena eman zuen organoari berari, hilabeteko epean, ebazpena argitaratu eta hurrengo egunetik hasita, bat etorritik Administrazio Publikoen Administrazio Prozedura Erkidearen urriaren 1eko 39/2015 Legearen 112. artikuluekin eta hurrengoekin, edo, bestela, zuzenean administrazioarekiko auzi errekurtsua, bi hilabeteko epean, EAEko Auzitegi Nagusiko Administrazioarekiko Auzietarako Salan, bat etorritik Administrazioarekiko Auzien Jurisdikzioa arautzen duen uztailaren 13ko 29/1998 Legearen 8 eta 46.1 artikuluetan ezarritakoarekin.

Edonola ere, martxoaren 14ko 463/2020 Errege Dekretuan xedatutakoarekin bat etorritik, epe hori etenda gelditzen da harik eta alarma egoera altxatu arte.

Vitoria-Gasteiz, 2020ko maiatzaren 18a

Kultura eta Kirol Saileko diputatua

ANA M. DEL VAL SANCHO

Kirol zuzendaria

PABLO DE ORAÁ OLEAGA